

# Շոգովուրդ

144  
(2624)

12 հոկտեմբերի չորեքշաբթի 2022  
տպագրության ժԱ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՆԻԿՈՎ ՓԱՇԻՆՅԱՆԸ ԽԱԲԵԼ Է ՄԱՍ 110



Հոկտեմբերի 5-ին խորհրդարանում կառավարություն-ԱԺ հարցուպատասխանի ժամանակ ՀՀ վարչապետ Նիկոլ Փաշինյանը հանդես է եկել բազմաթիվ իրարամերձ հայտարարություններով և հայտնել նաև այնպիսի տեղեկություններ, որոնք իրականությանը չեն համապատասխանում: Իր ելույթում Նիկոլ Փաշինյանը կապիտուլյացիայի համար մեղադրում է Սերժ Սարգսյանին: «Կրկին անգամ ասում եմ, որ մեզ ուղղված բոլոր, առանց բացառության բոլոր մեղադրանքների հասցեատերերը իրենք են, իրենք՝ սկսած Ղարաբաղը Ադրբեջանի կազմում ճանաչելու մեղադրանքից, վերջացրած կապիտուլյացիայի մեղադրանքից: Որովհետև էն թուղթը, որը սեղանին թողել է Սերժ Սարգսյանը, բանակցային էն թուղթը որ թողել է, եթե այդ չափանիշներով եւ այդ բանաձեւերով գնահատենք, դա եղել է կապիտուլյացիայի թուղթ: Սերժ Սարգսյանը սեղանին թողել է կապիտուլյացիայի թուղթը եւ հեռացել է: Եկեք սա արձանագրենք»: Նախորդ տարվա արտահերթ խորհրդարանական ընտրությունների քարոզարշավի ընթացքում Սերժ Սարգսյանը հրապարակեց մի ձայնագրություն, որտեղ Նիկոլ Փաշինյանը փակ հանդիպման ընթացքում իր թիմակիցներին պատմում էր իր վարչապետ ընտրվելուց ընդամենը 4 օր հետո Սոչիում սուրճի սեղանի շուրջ տեղի ունեցած մի զրույցից: Ձայնագրության մեջ Նիկոլ Փաշինյանը պատմում է, որ Պուտինը, Նազարբաևն ու Լուկաշենկոն հորդորել են իրեն օգտվելով ժողովրդական մեծ վստահությունից լուծել Ղարաբաղյան հարցը, եւ շեշտել: «Ադրբեջանի նախագահ Ալիևը հասկանում է, որ Ղարաբաղը երբեք Ադրբեջանի կազմում չի լինի»: Ըստ այս հրապարակման՝ Նիկոլ Փաշինյանն ինքն է փաստում, որ, ըստ ԱՊՀ երկրների որոշ ղեկավարների, բանակցությունները հասել էին այնպիսի փուլի, երբ «Ղարաբաղը երբեք չէր լինելու Ադրբեջանի կազմում»: Այսպիսով, փաստենք, որ նա հերթական անգամ խաբել է ՀՀ հպարտ եւ արժանապատիվ քաղաքացիներին:

Ազգային ժողովի նախագահ Ալեն Սիմոնյանի գլխավորած պատվիրակությունը Ռուսաստանի Դաշնության Պետական Դումայի նախագահ Վլադիմիր Վոլոդինի հրավերով Մոսկվայում է: ՀՀ ԱԺ պատվիրակությունը ոչ միայն Վոլոդինի, այլև Դաշնության խորհրդի նախագահ Վալենտինա Մատվեենկոյի ու ՌԴ խորհրդարանում ներկայացված *Единая Россия* խմբակցության ներկայացուցիչների հետ է հանդիպել: Երեկ՝ հոկտեմբերի 11-ին, տեղեկրամյան ալիքներով լուր էր տարածվում, որ ՀՀ պատվիրակությանն ու մասնավորապես ԱԺ նախագահ Ալեն Սիմոնյանին թե՛ Վոլոդինը, թե՛ Մատվեենկոյն հստակ հարց են ուղղել՝ պարզաբանել՝ ՀՀ-ն արդյոք պատրաստվում է հրաժեշտ տալ ՀՀԿ-ին կամ, այսպես ասած, առ ոչինչ ճանաչել ՀՀ-ՌԴ ռազմավարական գործընկերությունը՝ փոխելով աշխարհաքաղաքական վեկտորը: Այս տեղեկությունը ճշտելու համար «Ժողովուրդ» օրաթերթը դիմեց ԱԺ նախագահի մամուլի քարտուղար Ծովիկոս Ծովիկոսյանին: Ի պատասխան՝ նա կոչեց, որ նման բան չի եղել: Տրամաբանությունը հուշում է, որ ՌԴ այցելած հայկական պատվիրակության անդամներին ռուսաստանցի գործընկերները առաջին հերթին քաղաքական վեկտորը փոխելու կամ նման մտադրություն ունենալու մասին հարցեր պետք է ուղղելին: Դրա մասին է վկայում նաև ՌԴ արտաքին գործերի նախարարության պաշտոնական ներկայացուցիչ Մարիա Զախարովայի՝ երեկ արտահայտած միտքն այն մասին, որ Մոսկվան ԵՄ առաքելությունը դիտարկում է որպես Երևանի եւ Բաքվի հարաբերությունների կարգավորմանը միջամտելու փորձ:



«Ժողովուրդ» օրաթերթը իր լավատեղյակ աղբյուրներից տեղեկացավ, որ ԱԺ նախկին տնօրեն Գեորգի Կուտոյանի, ՀՀ նախկին ոստիկանապետ Հայկ Հարությունյանի ինքնասպանությունների դեպքերով հարուցված քրեական վարույթներով քննությունները վերսկսվել են: Իսկ ի՞նչն է պատճառը, որ նախաքննական մարմինը որոշել է նորից քննել տարիներ առաջ տեղի ունեցած սպանությունների գործերը: Ինչպես հայտնի է, նախկինում քննիչները չքաղաքացիական քրեական գործերը կասեցնում էին. հիմա ամեն ինչ այլ է: ՀՀ քրեական դատավարության նոր օրենսգրքը հստակ սահմանում է, որ կամ քրեական վարույթը կարճվում է, կամ որպես մեկի նկատմամբ քրեական հետապնդում է հարուցվում եւ մեղադրական եզրակացությամբ դատարան է ուղարկվում: Այսինքն՝ ՀՀ քրեական դատավարության օրենսգրքը այլևս չքաղաքացիական քրեական վարույթների կասեցման իրավական ընթացակարգ չի նախատեսում: Եթե նախկինում քննիչները քրեական գործերը կասեցնում էին ու զգում տարիներով իրենց «սեյֆերում», ապա հիմա պետք է քննությունը շարունակեն: Հիշեցնենք, որ 2020 թվականի հունվարի 12-ին ինքնասպան եղավ ԱԺ նախկին տնօրեն Գեորգի Կուտոյանը, ինչի փաստի առթիվ հարուցվեց քրեական վարույթ: Մեկ տարի անց՝ 2021 թվականին, Քննչական կոմիտեի հատկապես կարեւոր գործերի քննության գլխավոր վարչությունում Ազգային անվտանգության ծառայության (ԱԱԾ) նախկին տնօրեն Գեորգի Կուտոյանի մահվան դեպքի առթիվ հարուցված քրեական գործի նախաքննությունը կասեցվեց: 2019 թվականի սեպտեմբերի 24-ին ինքնասպան եղավ ՀՀ նախկին ոստիկանապետ, «Մարտի 1»-ի գործով մեղադրյալ Հայկ Հարությունյանը, ինչի առթիվ կրկին հարուցվեց քրեական գործ եւ դեպքից երկու տարի անց կասեցվեց: Հիմա պետք է որոշեն՝ կամ կա մեղադրյալ այս գործերով, կամ ոչ:



«Ժողովուրդ» օրաթերթի տեղեկությունների համաձայն՝ մոտ մեկ ամիս առաջ Երևանի Կենտրոն վարչական շրջանի ղեկավարին եւ տեղակալներին հենց աշխատասենյակում ծեծի են ենթարկել: Պատմությունը կապված է Երևանի Կենտրոնում գտնվող խաղաղապարակի հետ. բնակիչները երկար ժամանակ դիմել են Կենտրոն վարչական շրջանի ղեկավարին, տեղակալներին՝ խնդրելով բարեկարգել իրենց բակի տարածքը, սակայն ոչինչ չի արվել: Մոտ մեկ ամիս առաջ Երևանի կենտրոնի մի քանի բնակիչներ գնացել են թաղապետարան՝ պարզաբանումներ ստանալու: Խոսակցությունը փոխթաղապետ Ռոմանոս Սաֆարյանի սենյակում է ծավալվել ու չի ստացվել, քանի որ փոխթաղապետը օգտագործել է պաշտոնային ոչ հարիր բառապաշար՝ «սպորն եք անում» հարցադրումով: Երևանի բնակիչներն էլ, որոնցից մեկը քրեական աստիճանակարգով բարձրագույն կոչում է ունեցել, բացատրել է, որ իրենք այդ նպատակով չեն եկել: Այսպես, փոխթաղապետ Ռոմանոս Սաֆարյանի հետ քաջքշուկ է եղել, քարտուղարուհին շտապ կանչել է մյուս փոխթաղապետին՝ Նիկոլայ Սարիբեկյանին: Այնուհետև սենյակ է եկել թաղապետ Սամվել Ղուկասյանը, որոնք բոլորն էլ հասցրել են հարվածներ ստանալ հենց աշխատասենյակում: Ծեծկրտուքից հետո բնակիչները դուրս են եկել շենքից, իսկ թաղապետ Ղուկասյանը դիմել է ինչպես Երևանի քաղաքապետ Հրաչյա Սարգսյանին, այնպես էլ փոխքաղաքապետ Տիգրան Ավինյանին: Քրեական ենթամշակույթը խիստ մերժող Նիկոլ Փաշինյանի իշխանության համայնքային ներկայացուցիչները խնդրել ոչ թե լուծել են իրավապահների միջոցով, այլ «օրենքով գողերի» օգնությանն են դիմել: Երեկ «Ժողովուրդ» օրաթերթը կատարվածի անալիզի արդյունքում գնահատեց Կենտրոն վարչական շրջանի խնդրելով տալ այն փոխթաղապետի հեռախոսահամարը, որի աշխատասենյակում ծեծկրտուք է եղել: Աշխատակցուհին միանգամից փոխանցեց Ռոմանոս Սաֆարյանի հեռախոսահամարը, սակայն ոչ նա, ոչ մյուս փոխթաղապետը կամ Կենտրոն վարչական շրջանի ղեկավար Սամվել Ղուկասյանը չմեկնաբանեցին կատարվածը: Զրույցից հետո Մարտիրոսյանի հետ, որը կոմունալ բաժնի պետն է: Վերջինս ասաց. «Դուք սխալ ինֆորմացիա ունեք: Եթե նմանատիպ բան լիներ, միանշանակ ոստիկանություն կիրառվեր»: Թաղապետարանի ծեծից հետո «օրենքով գողերի» օգնությանը դիմելու մասով լուրը, բնականաբար, հերքեց նաև Տիգրան Ավինյանը, սակայն թաղապետարանի աշխատակիցները պատմում են ծեծի մանրամասները:



ՔԱՂԱՔԱԿԱՆ

ՀԱՄԱԼՍԱՐԱՆՆԵՐ

7-8 ՏԱՐԻ ԱՆՑ՝ ՎԱՏԱԳՈՒՅՆ ՆԱԽԱԳԻԾ

«Բարձրագույն կրթության եւ գիտության մասին» օրենքի նոր նախագծի եւ այլ խնդրահարույց հարցերի շուրջ ArmLur.am-ը գրուցել է ԿԳՄՄ նախկին փոխնախարար Գրիգ Թամրազյանի հետ:

«Պարոն Թամրազյան, օրերս ԿԳՄՄ նախարարությունը e-draft հարթակում հրապարակեց «Բարձրագույն կրթության եւ գիտության մասին» օրենքի նոր նախագիծը: Արդյոք Դուք ծանոթացել եք նախագծին եւ ի՞նչ կարծիք ունեք:

«Այո, օրենքի նախագծի այս տարբերակին ծանոթացել եմ: Պետք է Նշեմ, որ «Բարձրագույն կրթության եւ գիտության մասին» օրենքը քննարկվում է արդեն 7-8 տարի, եւ այդ ընթացքում պատրաստվել են օրենքի նախագծի բազմաթիվ տարբերակներ, որոնցից այս մեկը՝ վերջինը, վատագույնն է:

«Կիմսավորե՞ք»:

«Օրենքում բազմաթիվ են իրար հակասող դրույթները եւ տեխնիկական խնդիրները, որոնց չէմ ուզում անդրադառնալ, իսկ ժամկետներում այնպիսի խառնաշփոթ է ստեղծված, եւ այնպիսի անիրատեսական ժամկետներ են սահմանված, որ օրենքի դրույթների իրագործումը դնում է լուրջ հարցականի տակ:

Այնուամենայնիվ, սկսեմ ամենակարեւորից՝ բուհերի ինքնավարության բազմաչափ հարցից: Բուհի ինքնավարությունը ոչ միայն համընդհանուր նորմ է ներկայիս աշխարհում եւ անշրջելի գործընթաց, այլեւ ՀՀ Սահմանադրության դրույթ:

Չի կարելի օրենքի հիմնավորումը սկսել բուհերի ինքնավարության մեծացման անհրաժեշտությունից եւ օրենքի մի ամբողջ հոդված (հոդված 6) նվիրել ինքնավարությանը՝ սահմանելով բուհի գործունեության հիմնական ոլորտներում ինքնավարության պահանջերը, միեւնույն ժամանակ օրենքի մի շարք այլ հոդվածներով սահմանափակել հատկապես հանրային (պետական) բուհերի առանց այն էլ խոցելի ինքնավարությունը: Մասնավորապես, եթե հիշում եք, 2021 թ. Սահմանադրական դատարանը հակասահմանադրական ճանաչեց օրենքի այն կետը, որով լիազոր մարմնի ղեկավարը ղեկորին Նշանակում էր իր հայեցողությամբ: Ըստ էության, այս կետը պահանջվել է նաեւ օրենքի նոր նախագծում, որտեղ սովոր է, որ լիազոր մարմնի ղեկավարը խոշորացված 8 բուհում 5 տարի ժամկետով ժամանակավոր Նշանակում է եւ՝ ղեկորին, եւ՝ ձեռնարկում է կառավարման խորհուրդը, եւ՝ Նշանակում խորհրդի նախագահին, առանց հենց նույն օրենքով



ղեկորի ընտրության ու խորհրդի ձեւավորման ընթացակարգերի կամ ղեկորի նպատամար սահմանված պահանջների պահանջման: Օրինակ՝ ժամանակավոր ղեկորին խորհուրդը չի կարող անվտանգություն հայտնել:

Կարծում եմ, որ ավելի ազնիվ եւ ճիշտ կլինի օրենքից հանել բուհերի ինքնավարության եւ ակադեմիական ազատությունների մասին դրույթները եւ վերադառնալ մինչեւ 2005 թ.-ի իրողությանը, երբ նախարարն էր Նշանակում պետական բուհերի ղեկորներին:

«Իսկ ակադեմիական հանրությունն ինչու է լռում»:

«Գիտեք այս օրենքի նախագծի այնքան տարբերակներ հրապարակվեցին, քննարկվեցին, արտահայտվեցին հիմնավոր կարծիքներ, տրվեցին գրավոր առաջարկություններ, որոնք շատ դեպքերում հաշվի չառնվեցին, որ հանրությունը եւ, մասնավորապես, ակադեմիական համայնքը կարծես հետաքրքրությունը կորցրել է դրա նկատմամբ եւ արդեն լուրջ էլ չի վերաբերվում:

Ավելին, ակադեմիական հանրությամբ վերջերս կրթության առնչվող հարցերին ծանոթանում է բացառապես համացանցից: Օրենքի նախագծի այս տարբերակում, որտեղ կան բազմաթիվ նոր կարգավորումներ, օրինակ՝ կապված նախահավատարմագրման գործընթացի, ինտեգրված ծրագրերի եւ այլ դրույթների հետ, չի քննարկվել ղեկորների հետ, թեեւ, իմ խորը համոզմամբ, բարձրագույն կրթության օրենքի առաջին շահառուն բուհն է, իսկ օրենքն իրացնող բարձրագույն կրթության պատասխանատուները: Ինչպե՞ս կարելի է օրենքի նախագիծը հրապարակել, առանց հիմնական շահառուների

հետ շահագրգիռ քննարկումներ անցկացնելու: Նույնիսկ հասարակական խորհրդի հետ քննարկում անցկացրել են նախագիծը հրապարակելուց հետո, իսկ ղեկորների հետ այս տարբերակը ընդհանրապես չի քննարկվել: Արդյունքում հրապարակվել է մասնագիտական, իրավական, ժամկետային, տեխնիկական խնդիրներով տարբերակ:

«Պարոն Թամրազյան, այնուամենայնիվ, երբ Դուք ԿԳՄՄ-ն փոխնախարարն էիք, օրենքի այլ տարբերակներ եւս քննարկվում էին, ինչու՞ դրանք չընդունվեցին»:

«2020 թ. մենք երկար աշխատեցինք օրենքի վրա եւ, բուհերի, շահագրգիռ այլ կողմերի հետ արդյունավետ քննարկումների, ստացված առաջարկությունների հիման վրա, պատրաստեցինք գրեթե բոլորի համար ընդունելի նախագիծ, որն ուներ մի շարք առաջադիմական դրույթներ: Իհարկե, Գիտությունների ազգային ակադեմիայի ղեկավար կազմը համաձայն չէր, քանի որ կորցնում էր վերահսկողությունը իրեն ենթակա գիտահետազոտական ինստիտուտների նկատմամբ, իսկ բուհերը դառնում էին հետազոտական կենտրոններ՝ կրթության եւ գիտության ինտեգրման համատեքստում:

«Պարոն Թամրազյան, ի՞նչ կարծիք ունեք բուհերի խոշորացման մասին»:

«Ընդհանուր առմամբ գտնում եմ, որ բուհերի խոշորացում անհրաժեշտ է, սակայն նախ անհրաժեշտ է մշակել միավորման հստակ սկզբունքներ եւ միավորվող բուհերի յուրաքանչյուր դեպքի համար առանձին ծրագիր: Գործընթացը պետք է բացթափանցիկ քննարկվի լայն հասարակության հետ, քանի որ այս հարցը, կարելի է ասել, վերաբերում է բոլորին:

Ջրուցեց ԼԻՂԱ ԵՐԻՎԱՆԻՅԱՆԸ



ԿՔՆՆԱՐԿԵՆ



«Եվրամիության անդամ երկրների դեսպանները երեկ՝ հոկտեմբերի 11-ին, անկնկալվում է, որ կհանդիպեն Բյուրեսելում, կքննարկեն ու որոշում կկայացնեն Հայաստան ուղարկվելիք քաղաքացիական առաքելության վերաբերյալ»,- Եվրախորհրդարանում դեռ երեկ Հարավային Կովկասում Եվրամիության հատուկ ներկայացուցիչ Տոյվո Կլաարն է հայտնել:

Առաքելությունը, Նշենք, Ադրբեջանի հետ սահմանին դիտորդներ տեղակայել է Նշանակում, որ կամրապետի երկուստեք վստահությունն ու կնպաստի դեղին փտացիայի իրականացմանը:

Նշենք, որ Հայաստան քաղաքացիական առաքելություն ուղարկելու մասին պայմանավորվածությունը ձեռք է բերվել անցած շաբաթ Պրահայում Հայաստանի, Ադրբեջանի, Ֆրանսիայի ու Եվրոպական խորհրդի ղեկավարների՝ ժամեր շարունակված բանակցություններից հետո:

Քառակողմ հայտարարության համաձայն՝ Հայաստանը համաձայնել է Եվրամիության քաղաքացիական առաքելություն տեղակայել Ադրբեջանի հետ սահմանի երկայնքով: Բաքուն, որ մինչ այդ մերժել էր տեղում եվրոպական զինված ուժեր տեղակայելու առաջարկը, այժմ խոստացել է համագործակցել անզեն առաքելության դեպքում:

ԵԿԵԼ ԵՆ ՀԱՄԱՁԱՅՆՈՒԹՅԱՆ

Հայաստանն ու Ադրբեջանը համաձայնության են եկել խաղաղության պայմանագրի հիմնական կետերի շուրջ, մնացել է դրանք կյանքի կոչել: Այս մասին հայտարարել է Թուրքիայի ԱԳ նախարար Մեւլյուք Չավուշօղուն: Բացի այդ, նա ավելացրել է, որ Հայաստան-Թուրքիա եւ Հայաստան-Ադրբեջան հարաբերությունների կարգավորումը չի կարելի առանձին դիտարկել:

«Ըստ սկզբունքային կետերի (դրանք հինգն են)՝ ձեռք է բերվել պայմանավորվածություն: Այստեղ են մտնում միմյանց տարածքային ամբողջականության ճանաչումը, սահմանազատումը եւ այլն: Մտնում է միայն իրականացնել դրանք»,- ասել է Չավուշօղուն Tynet հեռուստաալիքի հարցազրույցում:

Նրա խոսքով՝ Երեւանի հետ Անկարայի հարաբերությունների կարգավորման գործընթացը եւ Բաքվի ու Երեւանի բանակցությունները՝ խաղաղության պայմանագրի վերաբերյալ, չեն կարող միմյանցից անկախ ընթանալ:

Հիշեցնենք, որ Եվրամիության խորհրդի նախագահ Շառլ Միշելի, Ֆրանսիայի նախագահ Էմանյուել Մակրոնի, Հայաստանի վարչապետ Նիկոլ Փաշինյանի եւ Ադրբեջանի նախագահ Իլհամ Ալիևի հանդիպումները Չեխիայի մայրաքաղաքում կայացան Եվրոպական քաղաքական համայնքի գագաթնաժողովի շրջանակում:

ՄԵՂԱԴՐՅԱԼ

ԱԶԱՏՈՒԹՅՈՒՆ՝ ԳՐԱՎԻ ԳԻՄԱՑ

Նիկոլ Փաշինյանի իշխանության ժամանակ «Ազգային հերոսի» կոչման արժանացած Անդրանիկ Փիլոյանը երեկ ազատ է արձակվել: Փիլոյանը դեպքյուզե մոտ 37 հազար դոլար է վճարել ու ազատության մեջ հայցնվել: Նեմեֆ, որ նա մեղադրվում է խոսք չափերի կառափ սահմադրու համար:

Այս ամբողջ պատմության մեջ ուշագրավը ոչ թե այն է, որ Փիլոյանը, ըստ մեղադրանքի, խոշոր չափի կաշառք է վերցնել ու այժմ էլ խոշոր չափի գրավով ազատ է արձակվել, այլ այն, որ քրեական գործով անցնում է մի մարդ, ումից հասարակությանը, որպես ազգային հերոսի, պետք է օրինակ վերցնել:

Արտակարգ իրավիճակների նախարար Անդրանիկ Փիլոյանը ՀՀ ԶՈՒ գեներալ-մայորի, Հայաստանի ազգային հերոսի կոչումն անձամբ վարչապետ Նիկոլ Փաշինյանից է ստացել, հենց նրա իշխանության օրոք էլ կալանավորվել է:

Ի դեպ, Փիլոյանին գրավով ազատ արձակելու որոշում է կայացրել Հակակոռուպցիոն դատարանի դատավոր Տիգրան Դավթյանը: Փաստորեն, ուրույն ձեռագիր է՝ մարդուն մեղադրել «կոռուպցիոն սկանդալի» մեջ, այնուհետեւ Հակակոռուպցիոն դատարանով հենց փող վերցնել ու փոխել խափանման միջոցը:

Փաշինյանի իշխանության ժամանակ Ազգային հերոսի կոչում ստացածների մեջ է նաեւ Զինված ուժերի գլխավոր

շտաբի պետի նախկին տեղակալ Տիրան Խաչատրյանը: Նա, ի դեպ, լրատվամիջոցների հետ զրույցում չի բացառել, որ օրվա՝ իրեն «հերոսացրած» իշխանությունը վաղը, մյուս օրը իր անձի նկատմամբ նույնպես կարող է հաշվեհարդար տեսնել:

Իհարկե, Նիկոլ Փաշինյանի իշխանությունը յուրայիններին հերոսացնելու (բառիս բուն իմաստով), այնուհետեւ հերոսից հակահերոս կերտելու հարցում անգերազանցելի է: Մանվել Գրիգորյանի դեպքը հիշենք, թե ինչպես 2018-ի քաղաքական վերադասավորումների օրերին նա սեղվեց Փաշինյանի իշխանության ձեռքը, ու ինչպես եղեգափոխականները վարվեցին նրա հետ:

ՄԵՎԿԱ ՎԱՐՊՈՒՅԱԼ

ԱՐՑԱՆՅԱՆ ՀԱՐՑ

ՀԻՇՈՂՈՒԹՅԱՆ ԹԱՐԽԱՑՈՒՄ

ԵՄ-Ի ԶԱՆՔԵՐԸ

«Մոսկվան տեսնում է Եվրոպական Միության հերթական փորձերը՝ ամեն գնով միջամտելու Հայաստանի եւ Ադրբեջանի միջեւ հարաբերությունների կարգավորման գործընթացին, դուրս մղելու Ռուսաստանին»,- ամենշաբաթյա ճեպագրույցի ժամանակ հայտարարել է ՌԴ ԱԳՆ պաշտոնական ներկայացուցիչ Մարիա Զախարովան:

Նրա խոսքով՝ Եվրոպական Միությունը դեռեւս պաշտոնապես որոշում չի կայացրել Հայաստանի եւ Ադրբեջանի սահմանին հումանիտար առաքելություն տեղակայելու վերաբերյալ:

«Բարձր ու երեւանի հաշտեցման, տարածաշրջանում ամուր խաղաղության, երկարաժամկետ կայունության հաստատման միակ բանալին Ռուսաստանի, Հայաստանի եւ Ադրբեջանի դեկավարների եռակողմ հայտարարությունների ամբողջական կյանքի կոչումն է»,- նշել է Զախարովան, հավելել՝ Մոսկվան պարբերական շփումներ է պահպանում Հայաստանի եւ Ադրբեջանի իշխանությունների հետ:

Դիվանագետի խոսքով՝ այդ առումով կոգտագործվի նաեւ Աստանայում ԱՊՀ արտագործնախարարների առաջիկա նիստի հնարավորությունը:

12-ԻՑ 11-Ը ԸՏԿՎԵԼ ԵՆ

«Փեթակ» առեւտրի կենտրոնի ճակատագիրն առաջիկայում հայտնի կլինի: ArmLur.am-ը տեղեկացավ, որ ՀՀ քաղաքաշինության, տեխնիկական եւ հրդեհային անվտանգության տեսչական մարմնի մասնագետներն այս ընթացքում ստուգում են՝ արդյոք առեւտրի կենտրոնը նախկինում հայտնաբերված թերությունները շտկել է, թե ոչ: Տեղեկացնենք, որ 2021 թվականի հունիսի 14-18-ը ստուգում էր իրականացվել «Փեթակ»-ում, եւ դրա արդյունքում հայտնաբերվել էին հրդեհային անվտանգության կանոնների 12 խախտումներ:

Սեզ հայտնի դարձավ, որ «Փեթակ» առեւտրի կենտրոնի տնօրենը նախորդ ուրբաթ գրություն է ուղարկել տեսչական մարմնի ղեկավարին եւ տեղեկացրել, որ հայտնաբերված 12 խախտումներից 11-ը շտկվել են, իսկ 12-րդը՝ ընթացիկ աշխատանքային փուլում է: Եթե տեսչական մարմինը հաստատի, որ շտկվել են խախտումները, ապա առեւտրի կենտրոնի գործունեության դադարեցման մասին որոշումը կհանվի: Առեւտրի կենտրոնի փոխտնօրեն Նորիկ Յեքոյանը ArmLur.am-ին փոխանցեց, որ հրդեհային անվտանգության կանոնների արձանագրված 12 խախտումներից 11-ը վերացվել են. «Մնացել է միայն օդափոխման սարք տեղադրել, որը պատվիրել ենք, շուտով մեզ կհասնի»:

Թե երբ սարքը տեղ կհասնի եւ կտեղադրվի, փոխտնօրենը դժվարացավ ժամկետ նշել: Բայց առեւտրի կենտրոնի տնտեսվարողները հույս ունեն, որ տեսչական մարմինը կզիջի եւ կչեղարկի գործունեության դադարեցման մասին կայացրած որոշումը՝ մինչեւ սարքերի հասնելն ու տեղադրվելը:


Վերջին օրերին ՀՀ վարչապետ Նիկոլ Փաշինյանը դարբերաբար խոսում է նախկին իշխանությունների մասին եւ նրանց մեղադրում, օրինակ, Արցախը Ադրբեջանի մաս ճանաչելու, այն բանակցություններով հանձնելու համար:

Նկատենք՝ 1990-ականների վերջից մինչեւ 2020 -ի պատերազմը բանակցային սեղանին դրված են եղել Արցախյան հարցի կարգավորման 7 հիմնական տարբերակներ, որոնք այս ընթացքում տարբեր անվանումներ են ստացել: ArmLur.am-ը պարբերաբար կներկայացնի մինչեւ այս եղած սկզբունքներն ու հարցի կարգավորման տարբերակները, դրանց ձախողման պատճառները:

Այս անգամ խոսենք Արցախյան հարցի կարգավորման փաթեթային եւ փուլային տարբերակների մասին: Արցախի հարցում փաթեթային տարբերակը նախատեսում էր, որ Ղարաբաղը պետք է լինի Ադրբեջանի կազմում՝ նախկին ԼՂԻՄ -ի սահմաններով եւ լայն ինքնավարությամբ:

1996 թվականի դեկտեմբերին Լիսաբոնում ԵԱՀԿ գազաթնաժողովին մասնակցում էին ավելի քան 50 երկիր, այդ թվում՝ Հայաստանն ու Ադրբեջանը: Ամփոփիչ հռչակագրի 20-րդ կետը պետք է վերաբերեր Ղարաբաղյան հակամարտությանը, սակայն Հայաստանն ու Ադրբեջանը համաձայնության չէկան այդ կետի բովանդակության հարցում: Այն ժամանակ նախագահ Յեղար Ալիևը պնդում էր, որ Ադրբեջանի տարածքային ամբողջականության հարցը ներառվի պարբերությունում, Հայաստանը դեմ էր այդ ձեւակերպմանը եւ վետո կիրառեց:

Ի պատասխան՝ Ադրբեջանը սպառնաց վետո դնել ողջ ամփոփիչ հռչակագրի վրա, եթե Ադրբեջանի տարածքային ամբողջականության հարցը չընդգրկվի փաստաթղթում: Բանակցությունների արդյունքում Ղարաբաղյան հակամարտության վերաբերյալ պարբերությունն ընդհանրապես հանվեց հռչակագրի տեքստից: Փաթեթային համաձայնագրով նախատեսվում էր, որ կողմերը պիտի ճանաչեին Ադրբեջանի եւ Հայաստանի տարածքային ամբողջականությունը, իսկ Լեռնային Ղարաբաղը պետք է պետական եւ տարածքային կազմավորում լիներ



Ադրբեջանի կազմում: Իսկ ինքնորոշումը պետք է կյանքի կոչվեր Ադրբեջանի եւ Լեռնային Ղարաբաղի իշխանությունների միջեւ կնքված համաձայնագրով, որը պետք է հավանության արժանանար Մինսկի համաժողովի կողմից, ապա ներառվեր Ադրբեջանի եւ Լեռնային Ղարաբաղի սահմանադրություններում: Այս տարբերակին կտրականապես դեմ էր Արցախը, Հայաստանը՝ ոչ այնքան:

Այս ամենից հետո պարզ դարձավ, որ համանախագահները կողմերին առաջարկեցին հարցը լուծել փուլ առ փուլ, այսինքն՝ կարգավիճակի հարցը թողնել ապագային՝ մինչ այդ կենտրոնանալով մյուս հարցերի վրա, որոնց վերաբերյալ տարածաշրջանայինները շատ չէին, դրանց թվում էին գործերի դուրսբերումը

Ղարաբաղի հարակից շրջաններից, բացառությամբ Լաչինի, բուֆերային ու բաժանարար գոտիների ստեղծումը, միջազգային խաղաղապահների տեղակայումը, տեղահանվածների վերադարձը, ապաշրջափակումն ու կոմունիկացիաների վերականգնումը: Հայաստանի ու Ադրբեջանի նախագահները որոշ վերապահումներով, բայց ընդունել էին այս տարբերակը՝ որպես հիմք հետագա բանակցությունների համար: Ստեփանակերտը կրկին մերժել էր: Հայաստանում լուրջ տարածաշրջանայիններ կային փուլային տարբերակի շուրջ, որոնք, ի վերջո, հանգեցրին ներքաղաքական ճգնաժամի եւ Լեւոն Տեր-Պետրոսյանի հրաժարականին:

ՆԱԻՐԱ ՀՈՎՀԱՆՆԻՍՅԱՆ

ՕՐՎԱԿԱՆԱԿԱՐ

ՀՀ ՆԱԽԱԳԱՀԻ ՄՏՈՐԱԳՐՄԱՐԸ

Նախագահ Վահագն Խաչատրյանը հրամանագիր է ստորագրել, որով քննիչների է պարգևատրել:

«Հիմք ընդունելով վարչապետի միջնորդությունը, համաձայն Սահմանադրության 136-րդ հոդվածի, ինչպես նաեւ «Հայաստանի Հանրապետության պետական պարգևների եւ պատվավոր կոչումների մասին» օրենքի 5.3-րդ հոդվածի 1-ին մասի՝ իրավակարգի եւ օրինակականության ամրապնդման գործում ներդրած ավանդի համար Մխիթար Գոշի մեղալուծ պարգևատրել:

Ազատ Լյուդվիգի ԳԵՎՈՐԳՅԱՆԻՆ Հայաստանի Հանրապետության քննչական կոմիտեի տարածքային քննչական վարչությունների գործունեության վերահսկողության գլխավոր վարչության պետ

Արմեն Սամվելի ՀՈՎՀԱՆՆԻՍՅԱՆԻՆ Հայաստանի Հանրապետության քննչական կոմիտեի գլխավորական քննչական գլխավոր վարչության հատկապես կարեւոր գործերի քննչության վարչության հատկա-

պես կարեւոր գործերով ավագ քննիչ»,- նշվում է հրամանագրում:

ՊԱՏՎԱՄԱՎՈՐԸ ԳԱՏԱՊԱՐՏԵԼ Է

Իռլանդացի պատգամավոր Փոլ Գավա-նը ԵՄԽՎ լիագումար նիստում բարձրաձայնել է Հայաստանի ինքնիշխան տարածք ադրբեջանական ուժերի ներխուժման մասին, շեշտել Ադրբեջանի պատերազմական հանցագործությունների, քաղաքացիական ենթակառուցվածքները, թիրախավորելու փաստերը:

Փոլ Գավա-նը ելույթ է ունեցել ԵՄԽՎ-ում Հայաստանի եւ Ադրբեջանի միջեւ ռազմական գործողությունների, նաեւ քաղաքացիական ենթակառուցվածքների թիրախավորման վերաբերյալ հարցերի քննարկման շրջանակում:

ԵՄԽՎ պատգամավորը հստակ ընդգծել է, որ բախումները սեպտեմբերին տեղի են ունեցել Հայաստանի ինքնիշխան տարածքում: «Կարծում եմ կարեւոր է, որ բոլոր բռնությունները տեղի են ունեցել Հայաստանի տարածքում: Դրանից ոչ մե-

կը չի եղել Լեռնային Ղարաբաղի վիճելի շրջանում», - նշել է պատգամավորը:

ԳԵՄՊԱՆՈՒԹՅՈՒՆԸ ԱՃԵԱՏՈՒՄ Է

Ուկրաինայում Հայաստանի դեսպանությունը շարունակում է աշխատել՝ միաժամանակ ձեռնարկելով անվտանգության անհրաժեշտ եւ հասանելի միջոցներ: Այս մասին ասել է Հայաստանի արտաքին գործերի նախարարության խոսնակ Վահան Հունանյանը:

Հունանյանը նաեւ հայտնեց, որ հոկտեմբերի 10-ին Կիեւին հասցրած հարվածներից ՀՀ դեսպանության շենքը չի վնասվել:

Ուկրաինական լրատվամիջոցները հոկտեմբերի 10-ին հայտնեցին Ռուսաստանի կողմից երկրի տարբեր հատվածներում ավելի քան 84 հրթիռային եւ ավիացիոն հարվածների մասին: Մասնավորապես, հարվածներ են արձանագրվել Վիննիցայի, Լվովի, Կիրովոգրադի, Նիկոլաեի, Պոլտավայի, Տերնոպոլի, Ժիտոմիրի եւ Կիեւի մարզերում:

ԳԱՂՏՆԱԼՍՄԱՆ ԳՈՐԾ

Ո՞Վ Է ՊԱՐԳԵՎԱՏՐՎԱԾ ԲՆՆԻՉԸ

Երկու օր առաջ Բննչական կոմիտեն Բննչական կոմիտեի ծառայողների օրվա կադակցությամբ մի օտար քննիչների դարձնելը ընդհատեց: Նկատելի, որ Նիկոլ Փաշինյանի անվան հուշամեդալ ստացավ ԱՄԾ նախկին սերտեմ Արթուր Վանեցյանի, Նիկոլ Փաշինյանի, Սասուն Խաչատրյանի գաղտնալսման գործով քննիչ, ՀՀ Բննչական կոմիտեի հասկառու կարեւոր գործերի քննության գլխավոր վարչության մարդկանց քրաֆիկինգի, անչափահասների սեռական անձեռնմխելիության դեմ ուղղված եւ քննադատների աղօթքի օրհանգրվանության հանցագործությունների քննության վարչության ղեկավարներն էին:

Ի դեպ, գրել էինք, որ այս տարի լրացավ Ազգային անվտանգության ծառայության նախկին տնօրեն Արթուր Վանեցյանի եւ Հակակոռուպցիոն կոմիտեի նախագահ Սասուն Խաչատրյանի գաղտնալսման գործով 4-րդ տարին:

Դեռես մեկ տարի առաջ ԱՄԾ նախկին տնօրեն Արթուր Վանեցյանի եւ Սասուն Խաչատրյանի հեռախոսագրույցի գաղտնալսման գործը կարճվել էր՝ հանցակազմի բացակայության հիմքով, իսկ վարչապետ Նիկոլ Փաշինյանի, Արթուր Վանեցյանի եւ Սասուն Խաչատրյանի հեռախոսային խոսակցություններն ապօրինի ձայնագրելու եւ համացանցում տարածելու դեպքի առթիվ հարուցված քրեական գործը կասեցված էր:

Այս գործով երեքն էլ որպես տուժող են ճանաչվել ու հարցաքննվել: Նկատելի, սակայն, որ վարչապետ Նիկոլ Փաշինյանի, Արթուր Վանեցյանի եւ Սասուն Խաչատրյանի հեռախոսային խոսակցություններն ապօրինի ձայնագրելու եւ համացանցում տարածելու դեպքի առթիվ հարուցված քրեական գործով կասեցվել էին 1.5 տարի առաջ: Ըստ էության, 4 տարվա ընթացքում իրավապահներին այդպես էլ չի հաջողվել բացահայտել գաղտնալսման դեպքն ու պարզել, թե, ի վերջո, ով էր կազմակերպել, իրականացրել, այնուհետեւ հրապարակել գաղտնալսված հեռախոսագրույցը:

Հիշեցնենք, որ երկու տարի առաջ՝ 2018-ի սեպտեմբերի 11-ին, համացանցում էր հայտնվել Վանեցյանի եւ Խաչատրյանի աղվակահարույց հեռախոսագրույցի ձայնագրությունը: Նրանք 8-րդ պե-



անց հեռախոսագրույցի ընթացքում քննարկում էին Հայաստանի նախկին նախագահ Ռոբերտ Քոչարյանի կալանքի հարցը, ինչպես նաեւ ՀԱԿԿ գլխավոր քարտուղար Յուրի Խաչատրյանի եւ ՊՆ նախկին ղեկավար Միքայել Հարությունյանի դեմ հարուցված քրեական գործերը: Գաղտնալսման հրապարակումից երկու տարի անց՝ 2020 թվականի հունիսի 10-ին, Բննչական կոմիտեի նախկին ղեկավար, նախկին նախագահ Հայկ Գրիգորյանը հայտարարել էր, որ գաղտնալսման գործը բացահայտված է:

Ազգային ժողովում լրագրողների հետ գրույցի ժամանակ ՀՀ քննչական կոմիտե-

ի նախկին նախագահ Հայկ Գրիգորյանը հայտարարել էր, թե հարցումներ են ուղարկել որոշ երկրներ եւ սպասում են պատասխաններին, սակայն պատասխանները այդպես էլ չեն եկել:

Ավելին՝ «Ժողովուրդ» օրաթերթին հայտնի էր դարձել, որ ՀՀ քննչական կոմիտեից զանգահարել են ՆՉՎԾ երկրների իրավապահ մարմիններին եւ խնդրել, որպեսզի հարցմանը պատասխանեն, սակայն այդպես էլ չեն պատասխանել: Այլ ուժային կառույցներից էլ են գործին խառնվել, բայց դարձյալ սայլը տեղից չի շարժվել:

ՔՍՈՐ ՍՍՆՈՒԿՅԱՆ

ՄԱՐԶ

ԴԱՆԱԿԱՆՔԱՐՈՒԹՅԱՆ ԳԵՊԸ



ArmLur.am-ին հայտնի դարձավ, որ դանակահարություն է տեղի ունեցել Արմավիրի մարզում: Երեկ առավոտյան՝ լուսադեմին, «Վաղարշապատ» Բ/Կ-ից ահազանգել են իրավապահներին, որ «առաջակողային մակերեսի չթանկացող ծակած-կտրած վերք անցումով որովայնի առաջային պատ ձախից արտաքին արնահոսությամբ» ախտորոշմամբ իրենց մոտ բուժօգնության է դիմել անչափահաս Նարեկ Պ-ն: Ամիջապես հիվանդանոց են գնացել իրավապահները, որտեղ Նարեկ Պ-ն պատմել է, թե, իբր, ընկել է առվի մեջ:

Իրավապահները չեն հավատացել տղայի խոսքերին եւ սկսել են ուսումնասիրել դեպքը: Պարզվել է, որ Արմավիրի մարզի Փարաքար գյուղում վիճաբանություն է եղել, որի ժամանակ Հովհաննես Ա-ն դանակով հարվածել է Ն.Պ-ին՝ պատճառաբանելով ՆՉՎԾ մարմնական վնասվածքը: Այս պահին իրավապահները փնտրում են դանակահարողին:

Իսկ ինչո՞ւ են դանակահարել անչափահաս տղային: ArmLur.am-ին հասած լուրերի համաձայն՝ վեճը սկսվել է առկա համար:

ԿԱՆԽԵԼ ԵՆ ԿԱՄՔԻՑ ՆԵՏՎԵԼԸ

ArmLur.am-ին հայտնի դարձավ, որ 31 տարեկան տղամարդը փորձել է իրեն ցած նետել Կիւնյան կամրջից: Վերջինիս նկատել են ոստիկանները եւ երկար ժամանակ նրա հետ զրույցից հետո կարողացել են կանխել նրա գործողությունը: Ի դեպ, իրավապահները արձանագրել են, որ սա առաջին դեպքը չէ, որ նույն տղամարդը գալիս է կամրջի մոտ եւ փորձում վերջ տալ կյանքին: Նա մի քանի անգամ նման փորձեր արել է, սակայն ոստիկանները կանխել են:

ԴԱՆԱԿԻ ՀԱՐՎԱԾՆԵՐ

ArmLur.am-ին հայտնի դարձավ, որ հոկտեմբերի 10-ին ժամը 11.10-ին, «Տոնոյան» հիվանդանոցից իրավապահներին հայտնել են, որ «կրծքավանդակի կտրած-ծակած վերք» ախտորոշմամբ բուժօգնության է դիմել Տիգրան Հարությունյանը:

Ավելի ուշ իրավապահները պարզել են, որ եղել է վիճաբանություն, ինչի ժամանակ Տիգրան Հարությունյանին դանակի հարվածներ է հասցրել եւ մարմնական վնասվածքներ պատճառել Ղուկաս Գրիգորյանը: Վերջինիս իրավապահները փնտրում են: Ի դեպ, դանակահարված երիտասարդը եւ դանակահարողը ուսանողներ են:

Ք. ՄՍՆՈՒԿՅԱՆ

ԼՈՒՌԵՐ

ԾԵԾԵԼ ԵՆ ԱՐԵՎԱԾԱՑՑՈՒՆ

Ոստիկանության Մասիսի բաժնի ծառայողները, իրացնելով օպերատիվ տվյալները եւ ձեռնարկելով օպերատիվ-հետախուզական միջոցառումներ, պարզել են, որ սեպտեմբերի 30-ին՝ ժամը 22.30-ի սահմաններում, Հայաստան գյուղի Հայկ Բժշկյանց փողոցի գիշերային ակումբում վիճաբանություն էր եղել Արմավիրի մարզի Արեւաշատ գյուղի 34-ամյա մի բնակիչի եւ երեւանցի երկու եղբայրների միջեւ:

Ոստիկանությունից հայտնում են, որ վիճաբանությունն այնուհետեւ շարունակվել էր դրսում: Եղբայրները ծեծի էին ենթարկել 34-ամյա արեւաշատցուն՝ պատճառելով մարմնական վնասվածքներ: Ըստ ստացված տեղեկության՝ եղբայրները խու-

լիզանությունը կատարել էին գազային ատրճանակի գործադրմամբ: Դեպքի առթիվ հոկտեմբերի 1-ին Մասիսի քննչական բաժնում նախաձեռնվել էր քրեական վարույթ:

ՎՐԱԵՐԹԻ ԵՆԹԱՐԿՎԱԾԸ ՄԱՐԱՑԵԼ Է

Հոկտեմբերի 10-ին 28-ամյա եղբայրները հայտնաբերվել եւ ներկայացվել են Մասիսի քննչական բաժնի: Նրանք ձերբակալվել են: Ձեռնարկվում են միջոցառումներ՝ գազային ատրճանակը հայտնաբերելու ուղղությամբ: Նախաքննությունը շարունակվում է:

Հոկտեմբերի 10-ին՝ ժամը 19.30-ի սահմաններում, Եղվարդ-Ջորավան ճանա-

● Ըստ ոստիկանության տվյալների՝ հոկտեմբերի 10-ից 11-ը Հայաստանի Հանրապետությունում բացահայտվել է հանցագործության 46 դեպք, որոնցից 4-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ԱՐԳՅՈՒՆՔ ՉԵՆ ՏՎԵԼ

Այս տարվա հուլիսին հջեանի համայնքապետարանը ձեռք բերեց «Կամազ» մակնիշի աղբահավաք 2 ավտոմեքենա...

ՎՆԱՄ ՊԵՏՈՒԹՅԱՆԸ

Դիլիջանի ազգային պարկում որպես բնության հատուկ պահպանվող տարածքում, ընդհանրապես արգելված են ծառերի հատումները...

ՈՍԿԱՆ ՍԱՐԳՅԱՆ Տավուշ

44-ՕՐՅԱ ՊԱՏԵՐԱԳՄ

ԶՐԿՎԵԼ ԵՆ ՀԱՇՄԱՆԴԱՄՈՒԹՅԱՆ ԿԱՐԳԻՑ

44-օրյա դատաբանական 277 մասնակից զրկվել է հաճմանամոլության կարգից: ՀՀ աշխատանքի եւ սոցիալական ապահովության նախարարությունից տեղեկացրել են, որ 261 մասնակից, որոնք ստացել էին հաճմանամոլության 3-րդ կարգ, վերափոխվեցին...

Նշենք, որ 44-օրյա ժամանակ հաշմանդամ դարձած տղաների հաշմանդամության կարգը տրվել է՝ հիմք ընդունելով 2003թ. հաստատված բժշկասոցիալական փորձաքննության չափորոշիչները:

2023 թվականի փետրվարի 1-ից արդեն անձի հաշմանդամության սահմանման գործընթացն իրականացվելու է այլ՝ անձի ֆունկցիոնալության գնահատման համակարգի միջոցով:

«Վերոգրյալի հիմքով՝ ՀՀ կառավարության 2022 թվականի հուլիսի 28-ի «Անձի ֆունկցիոնալության գնահատման կարգը հաստատելու մասին» N 1180-Ն որոշման հավելվածով հաստատվել է անձի ֆունկցիոնալության գնահատման կարգը, իսկ ՀՀ կառավարության 2022 թվականի հուլիսի 28-ի «Անձի ֆունկցիոնալության գնահատման չափորոշիչները եւ գործիչները հաստատելու մասին» N 1177-Ն որոշման հավելվածով՝ հաստատվել անձի ֆունկցիոնալության գնահատման չափորոշիչները եւ գործիչները»,- գրված է նախարարության հայտարարության մեջ:

Այսինքն՝ հետայսու եւս հաշմանդամության կարգ սահմանելիս հաշվի չի առնվելու՝ շահառուն ռազմական գործողությունների ժամանակ է հաշմանդամ դարձել,



թե այլ պայմաններում: Հաշմանդամության կարգ սահմանելու հիմքում բոլոր դեպքերում դրվելու են նույն չափորոշիչները: Անձի հաշմանդամության սահմանման չափորոշիչները բխում են հաշմանդամության սահմանումներից եւ դիտարկվում են անձի օրգանիզմի ֆունկցիաների, անձի գործունեության եւ մասնակցության սահմանափակումների համատեքստում եւ չեն կարող կախված լինել ռազմական գործողությունների մասնակցելու հանգամանքից: Ինչպես նշված է 2023թ. փետրվարի 1-ից ուժի մեջ մտնող որոշման հավելվածում, անձի ֆունկցիոնալության գնահատման յուրաքանչյուր առանձին դեպքի համար ձեւավորվելու է գնահատող Նոր հանձնաժողով: Գնահատող հանձնաժողովի անդամները պատահա-

կանության սկզբունքով էլեկտրոնային համակարգի կողմից ինքնաշխատ եղանակով ընտրվելու են ֆունկցիոնալության գնահատման նպատակով ներգրավված մասնագետների ռեեստրից:

Համաձայն «Անձի ֆունկցիոնալության գնահատման կարգը հաստատելու մասին» որոշման՝ անձի ֆունկցիոնալության գնահատման անհնար ամբողջ փաստաթղթաշրջանառությունը 2023 թվականի փետրվարի 1-ը պետք է իրականացվի էլեկտրոնային եղանակով՝ e-disability էլեկտրոնային համակարգի օգնությամբ:

Վերջինիս նախագծումը նախատեսվում է ավարտել մինչեւ 2022 թվականի նոյեմբերի 1-ը, իսկ մինչեւ 2023 թվականի հունվարի 10-ը՝ հասցնել ապահովել փորձական կիրարկումը եւ ներդրումը:

ԳԵՐԱԿԱՏԱՐՎԵԼ ԵՆ

ՀԱՐԿԱՅԻՆ ԵԿԱՄՈՒՏՆԵՐԻ ՑՈՒՑԱՆԻՇ

2022 թվականի 9 ամիսների ընթացքում դեռահաս երեխաների հարկային եկամուտները կազմել են 1 տրիլիոն 412 մլրդ դրամ. հարկային եկամուտները գերակատարվել են ավելի քան 77 մլրդ դրամով:

Արձանագրվել է հարկային եկամուտների հավաքագրման պատմական ռեկորդ: Պետական եկամուտների կոմիտեի նախագահ Ռուստամ Բադալյանը հանրային ներկայացրել է ընթացիկ տարվա ինն ամիսների հարկային եկամուտների ցուցանիշները: Նույն ժամանակահատվածում հարկ վճարողներին վերադարձվել է ռեկորդային չափով գումար՝ 172 մլրդ դրամ, իսկ 2022 թ. 9 ամիսների տվյալներով՝ եկամուտ (հարկման բազա) ապահովված աշխատատեղերի թվաքանակը կազմել է շուրջ 663 հազար՝ գերազանցելով նախորդ տարվա ցուցանիշը՝ 36.8 հազարով կամ 6 տոկոսով, իսկ 2020 թ. ցուցանիշը՝ շուրջ 60 հազարով: Հարկեր/ՀՆԱ ցուցանիշը 2021 թվականին կազմել է 22.7 տոկոս: Ընթացիկ տարում նախատեսվում է ունենալ 11 տոկոս տնտեսական աճ եւ 8 տոկոս գնաճ, իսկ հարկեր/ՀՆԱ ցուցանիշը բարելավվելու է 0.5 տոկոսային կետով եւ կազմելու է 23.2 տոկոս: «Սա նշանակում է, որ հարկային եկամուտներն ավելի արագ են աճում, քան ՀՆԱ-ն, ինչն այլ հավասար պայմաններում վերագրվում է



հարկային վարչարարությանը եւ հարկային կարգապահության բարելավմանը: Հարկային վարչարարությունը տարեցտարի իրականացվում է ավելի թիրախային՝ հիմնված վերլուծական գործիքների վրա»,- հայտնել է ՊԵԿ նախագահ Ռուստամ Բադալյանը:

ՊԵԿ նախագահն անդրադարձել է նաեւ վերջին շրջանում մաքսային համակարգում իրականացված բարեփոխումներին: Մաքսային գործառնությունների վերանայման արդյունքում հանվել են փաստաթղթային մի շարք ոչ ֆորմալ գործըն-

թացներ: Ներդրվել է նախնական հայտարարագրման համակարգը: 24/7 ռեժիմով սահմանին ներմուծվող ապրանքների բացթողումն իրականացվում է ժամանակից հետո՝ միջինում 15 րոպեից մինչեւ 3 ժամում:

Երեւանում նոյեմբերի 1-ից մաքսային ծառայողի պատրաստման դասընթացը հաջողությամբ ավարտած եւ ընտրված մասնակիցներն աշխատանքի կանցնեն բարեփոխման Նոր փուլ սկսած մաքսային ծառայության համակարգում: Քննական փուլը հարթահարել է 160 մասնակից:

● Անցած 1 օրվա ընթացքում Հայաստանի Հանրապետությունում արձանագրվել է 20 ճՏՊ. 1 մարդ զոհվել է, 29-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

«Ակբա» բանկ

ԱՐԳԱՎԻ ԶԵՐՈՍԸ

«Ակբա» բանկը նոր արձափ 2023-ական տարվա շրջանում...

Արձափ գաղափարը ծնվել է թիմային քննարկումներից հետո...

«Ակբա» բանկի հաճախորդները սպառողական վարկը կարող են ստանալ...

«Այս արձափով ես մեկ անգամ շեշտում եմ մեր պատրաստակամությունը...

«Մեր արձափի առաքելությունը կայանում է նրանում, որ դու ես քո հաջողության երաշխավորը...

«Մեր բանկի հաճախորդները եւ՛ acba digital-ով, եւ՛ բանկի մասնաճյուղերում կարող են ստանալ մինչեւ 10 միլիոն դրամ սպառողական վարկ...

«Ակբա» բանկն իր բոլոր գործընկերների կողքին է, միշտ պատրաստ է ներկայացնել լուծումներ, որոնք կարող են իրագործել երազանքներ:

ՀԱՍՏԱՏՎԵԼ ԵՆ

2023 ԹՎԱԿԱՆԻ ՄԻՋՈՑԱՌՈՒՄՆԵՐԻ ՑԱՆԿԸ

Կառավարությունը հաստատել է ֆիզիկական կույսուրայի և սորոսի զարգացման 2023 թվականի արեւմտյան ծրագիրը...

Ծրագրի խնդիրներն են օլիմպիական և պարաօլիմպիկ խաղերին, աշխարհի և Եվրոպայի առաջնություններին...

Հայաստանի Հանրապետության կառավարության որոշման նախագծի ընդունումը 2023 թվականի ՀՀ պետական բյուջեի եկամուտներում է...

Մասնավորապես 2022 թվականին աջակցություն ստացած 33 մարզական ֆեդերացիաների փոխարեն՝ 2023 թվականին ֆինանսական աջակցություն կստանան 36-ը...



թեստ) անցկացումը «Վարչապետի գավաթ» հեծանվավազքի, լողի և վազքի մրցումների ժամանակ...

«Վարչապետի գավաթ» հրապարակումը նախատեսվում է իրականացնելու և բաց աճուրդ համապատասխան փուլերով...

կուլտուրայի և սպորտի արմատավորման համալիր ծրագրերի իրագործումն է, որը ներառում է...

Երկրորդ առաջնահերթությունը միտված է միջազգային մրցասպարեզներում հայ մարզիկների մեղալների նվաճմանը...

ՀՐԱՊՈՐՏԱԿԱՆ ԾԱՆՈՒՅՈՒՄ

- «Բի Ես Թի» ՍՊԸ-ն (այսուհետ՝ Կազմակերպիչ) «Ալսոն» ԱՀ Բորսայի հարթակում իրականացնելու է բաց աճուրդ համապատասխան փուլերով «դասական» (գնի բարձրացմամբ), այսուհետեւ «հոլանդական» (գնի նվազեցմամբ) եղանակներով: Աճուրդի ընթացքում վաճառվելու են «Արդշինբանկ» ՓԲԸ-ին (այսուհետ՝ Բանկ) գրավի իրավունքով պատկանող հետևյալ լոտերը:
- ք. Երեւան, Աջափնյակ, 3. Մարգարյան փողոց, 2-րդ նրբանցք, 10 շենք, 17 հասցեում գտնվող 64,4 ք.մ. բնակարան: Լոտի մեկնարկային գինը՝ 23400000 ՀՀ դրամ:
- Լոռու մարզ, համայնք Վանաձոր ք., Տարրու-2 թաղամաս, ԹՀ-3-3 19 շենք, 11 հասցեում գտնվող 62,5 ք.մ. բնակարան: Լոտի մեկնարկային գինը՝ 6200000 ՀՀ դրամ:
- Լոռու մարզ, համայնք Ստեփանավան ք., 4-րդ միկրոշրջան, 5-րդ փողոց, 17 հասցեում գտնվող 106,2 ք.մ. բնակելի տուն, 42,4 ք.մ. արհեստանոց, ավտոտնակ, 6,1 ք.մ. գոմ եւ 0,06 հա հողամաս: Լոտի մեկնարկային գինը՝ 11000000 ՀՀ դրամ:
- Կոտայքի մարզ, համայնք Զովաթ, գյուղ Զորաղբյուր, Բարեկամության փողոց, 23 հասցեում գտնվող 294,57 ք.մ. բնակելի տուն, 1,13 ք.մ. զուգարան, 15,43 ք.մ. /26,23 խ.մ./ պարիսպ, 3,88 ք.մ./7,18 խ.մ./ պարիսպ, 14,74 ք.մ. /29,04 խ.մ./ պարիսպ, 2,01 ք.մ. /2,17 խ.մ./ պարիսպ եւ 0,11999 հա հողամաս: Լոտի մեկնարկային գինը՝ 58000000 ՀՀ դրամ:
- Գեղարքունիքի մարզ, համայնք Մարտունի ք., Գ. Մոնթեի փողոց, 9 շենք, 25 հասցեում գտնվող 92,2 ք.մ. բնակարան: Լոտի մեկնարկային գինը՝ 16600000 ՀՀ դրամ:

Լոտերի նկատմամբ սահմանափակումները՝ գույքերը գրավադրված են: Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 28.10.2022թ.-ին, Ժ. 12:00-ին դասական եղանակով, այսուհետեւ յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի ավարտը՝ 28.11.2022թ.-ին: Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի Ես Թի» ՍՊԸ-ի դրամարկումնաճուրդի կայացման հասցեում, ՀՀ օրենսդրությամբ սահմանված կանխիկի շեմը չզերազանցելու դեպքում, կամ բանկային հաշվին («Արդշինբանկ» ՓԲԸ-ում 2470103374150000 հաշվեհամարին), կամ կազմակերպչի կողմից տրված այլ հաշվեհամարին: Աճուրդին մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ եւ Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ եւ աճուրդի վկայական: Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուծման երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձանագրությունը կամ առուվաճառի պայմանագիրը, ապա նա կորցնում է իր մուծած նախավճարը: Եթե Կազմակերպիչը հրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը: Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում: Լոտերն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտը, յուրաքանչյուր աշխատանքային օր, Ժ. 10:00-ից մինչեւ 18:00-ն, այցելել վերը նշված հասցեներով եւ ծանոթանալ լոտերի հետ՝ այցելությունը նախապես համաձայնեցնելով Կազմակերպչի հետ: Սույն ծանուցումը կարող է փոփոխվել մասնավոր հրապարակվելու միջոցով: Աճուրդների անցկացման կանոնակարգին կարող էք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող էք զանգահարել (011) 56-45-13 հեռախոսահամարով կամ այցելել www.ilcbst.am, www.akson.am կայքերը:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՓԱՌԱՏՈՆ

26 ՆԵՐԿԱՅԱՅՈՒՄ 14 ԲԵՄԱՂԱՐԹԱԿՈՒՄ

Հորեյանական 20-րդ «Հայ ֆեստ» (HIGH FEST) կատարողական արվեստի միջազգային փառատոնը, որը կրում էր The next 20 years will be better! («Հաջորդ 20 տարիները կլինեն ավելի լավը») խորագիրը, անցկացվեց հոկտեմբերի 1-8-ը՝ հյուրընկալելով 10 երկրից ժամանած ավելի քան 250 մասնակցի և հյուրերի՝ հեղինակավոր արվեստագետների, արձանագեղանի, միջազգային փառատոնի նախագահների Ռուսիայից, Ռուսաստանից, Կիբորոսից, Պերմանիայից, Իսրայելից, Էստոնիայից, Իրանից և այլ երկրներից:

Փառատոնի երեւանյան 14 բեմահարթակներում ցուցադրվել է ավելի քան 26 ներկայացում: Թատերասերները հնարավորություն են ունեցել դիտելու դրամատիկական, երաժշտական, պարային, մոնո-ներկայացումներ, մուլտիմեդիային, տիկնիկային, ֆիզիկական, շարժման, վիզուալ, կրկեսային, մանկական, ինչպես նաև բացօթյա ներկայացումներ:

Փառատոնի հեղաշրջանը Սանկտ Պետերբուրգի Բորիս Էյֆմանի բալետի ակադեմիական թատրոնի «Ռոդեն» նրա հավերժ կուրճը» ներկայացումն է եղել, որի ցուցադրությունը մեծ հաջողություն է ունեցել: Երեւանյան թատրոններից «Հայ ֆեստ»-ի հիմնական ծրագրում հանդես են եկել Երեւանի կամերային, «Համազգային», Զ. Թումանյանի անվան տիկնիկային և «Միհր» թատրոնները:

Հիմնական ծրագրից բացի, փառատոնի ընթացքում վարպետության դասեր են անցկացրել թատերագետ Անդրեյ Մոսկվինը (Լեհաստան), պրոդյուսեր Յուլիա Յիտոնը (Ֆինլանդիա):

«Արդի հայ թատրոն. նոր միտումներ և հիմնախնդիրներ (1990-2022)» խորագրով միջազգային գիտական նստաշրջանի շրջանակներում «Հայ ֆեստ» փառատոնի հետ համագործակցությամբ ՀՀ գիտությունների ազգային ակադեմիայում կայացել է «Կենտրոնական և Արեւելյան Եվրոպայի թատերագիտություն» (Studia Teatralne Europy rodkowo-Wschodniej, խմբագիր՝ Անդրեյ Մոսկվին, 2021, N 2, Վար-



շավ) եռալեզու գիտական հանդեսի շնորհանդեսը: Հանդեսի այս համարի կենտրոնում հայ թատրոնն է, շապիկին՝ Սուևոկլյանի անվան ազգային ակադեմիական թատրոնի լուսանկարը և FOKUS: ARMENIA գրությունը: Հանդեսում գիտական հրապարակումներով հանդես են եկել Արծվի Բախչիյանը (ՀՀ ԳԱԱ պատմության ինստիտուտ), Նարինե Սարգսյանը (Երեւանի թատրոնի և կինոյի պետական ինստիտուտ), Անուշ Ասիբեկյանը (ՀՀ ԳԱԱ Արվեստի ինստիտուտ), Սառա Նալբանդյանը (ՀՀ ԳԱԱ Արվեստի ինստիտուտ), Նազենիկ Սարգսյանը (ՀՀ ԳԱԱ Արվեստի ինստիտուտ), Անահիտ Բեքարյանը (ՀՀ ԳԱԱ Արվեստի ինստիտուտ):

Փառատոնին ներկայացումներ են ցուցադրվել նաև Գյումրիում և Վանաձորում:

«Հայ ֆեստ» կատարողական արվեստի միջազգային փառատոնն առաջին անգամ կայացել է 2003-ին: Փառատոնի հիմնադիր նախագահն է Արթուր Ղուկասյանը: 2019-2021 թվականներին Եվրոպական փառատոնների ասոցիացիան թվով 715 եվրոպական փառատոներից «Հայ ֆեստ» կատարողական արվեստի միջազգային փառատոնն ընտրել է ընդգրկել է 24 լավագույնների ցանկում:

Հորեյանական փառատոնը կյանքի է կոչվել ՀՀ կրթության, գիտության, մշակույթի և սպորտի նախարարության աջակցությամբ:

ԼՈՒՐԵՐ

ՀՐԱԺԱՐՎԵՑ ԱՇԽԱՏԱՆՔԻՑ

Հայաստանի ֆուտբոլի ֆեդերացիայի գործադիր կոմիտեի անդամ Աննա Թադևոսյանը չի շարունակի աշխատանքը ՀՖՖ-ում: Այս մասին Թադևոսյանը հայտնել է սոցցանցերում կատարած գրառմամբ. «Ցանկանում եմ տեղեկացնել, որ այլևս հարկ չեմ համարում շարունակել իմ աշխատանքը ՀՖՖ գործադիր կոմիտեում, քանի որ այս կառույցը զբաղվում է ամեն ինչով, բացի ֆուտբոլի զարգացումից: Վերջին մեկ տարվա ընթացքում ՀՖՖ ղեկավարությունը կայացրել է մի շարք անհիմն ներքին որոշումներ, ինչի արդյունքում աշխատանքից հեռացվել են մարդիկ, որոնք ջանք չեն խնայել ֆուտբոլի զարգացման համար: ՀՖՖ-ին մաղթում եմ հաջող Fastex բարձրագույն խմբի առաջնություն, քանի որ գործկոմի կիստերը գրեթե միշտ ուղղված են եղել դրան»: Թադևոսյանը կշարունակի ֆուտբոլային գործունեությունը:

ՆՈՐ ՆԱԽԱԳԻԾ

Disney-ը «Հագար ու մի գիշեր» հեքիաթների ժողովածուի հիման վրա նոր նախագիծ է սկսել, որը կնկարահանվի գիտական ֆանտաստիկա և ֆենթեզի ժանրերում: Սցենարային աշխատանքներն իրականացնում է «Գրեյսը Մոնակոյից» կենսագրական ֆիլմի հեղինակ Արաշ Ամելը: Սյուժեի մանրամասները չեն հրապարակվել: Անհայտ են նաև ֆիլմի ռեժիսորի անունն ու թողարկման ամսաթիվը: Deadline-ի տեղեկությունների համաձայն՝ ֆիլմը ներշնչված կլինի միջնադարյան արաբական և պարսկական հեքիաթներից ու Լեգենդներից:

Էկրանավորման շրջանակում անդրադարձ չի լինի մեկից ավելի Էկրանավորված Ալադին, Սինբադ և Ալի Բաբա կերպարներին: Ամելը նաև աշխատել է Ռոզամունդ Պայքի մասնակցությամբ «Անձնական պատերազմ» ֆիլմի վրա:

ՅՐԳ ԵՎ ՎԵՐՋԻՆ ԵԹԵՐԱՇՐՋԱՆ

Իտալացի պրոդյուսեր Լորենցո Միելին հայտարարել է HBO-ի արտադրական «Երիտասարդ Պապը»-ը նախագծի հնարավոր 3-րդ և վերջին եթերաշրջանի մասին. սցենարի վրա աշխատում է սերիալի ստեղծող Պաոլո Սորենտինոն: «Պաոլոն մի գաղափար ունի, որը, հավանաբար կյանքի կկոչվի: Երրորդն ու վերջինը», - ընդգծել է Միելին Deadline-ին տված հարցազրույցի ընթացքում: Պրոդյուսերը չի նշել, թե եզրափակիչ եթերաշրջանում ով է մարմնավորելու Պապի կերպարը: Թե ով է խաղալու գլխավոր դերը եզրափակիչ սերիայում, պրոդյուսերը չի ասել: «Երիտասարդ Պապը» նախագծի պրեմիերան կայացել է 2017 թվականին՝ ներկայացնելով Լենի Բելլոդոնին (Ջուդ Լոու)՝ առաջին ամերիկացին, որը դարձել է Հռոմի պապ: Դերասանը կերպարի համար առաջադրվել է «Ոսկե գլոբուս» և «Էմմի» մրցանակների: Երկրորդ սեզոնը, որը կոչվում է «Նոր Պապը», թողարկվել է 2020 թվականին՝ Ջոն Մակլոյի գլխավոր դերակատարմամբ:

ՄՈՆՈՆԵՐԿԱՅԱՑՈՒՄ

«ՀԱՆԴԻՄԱՏԵՄԻ ՀԱՄԱԿՐԱՆՔ» ՄՐՑԱՆԱԿ

Պերասաններ Արմեն Բուչկյանն ու Պոռ Համբարձումյանը հոկտեմբերի 5-8-ը մասնակցել են Վիսագիմեստում (Լիսվա) կայացած ATSPINDIS միջազգային քառերկրյա XVIII փառատոնին:

Արմեն Բուչկյանը ցուցադրել է «Նաստասիայի դերում իշխան Լեւ Նիկոլաեւիչ Միշկին» մոնոներկայացումը, որի ռեժիսորը ՀՀ ժողովրդական արտիստ Վահե Շահվերդյանն է, իսկ Պոռ Համբարձումյանը հանդես է եկել «MENախոսություն» մոնոներկայացմամբ, որի ռեժիսորը Տաթևիկ Մելքոնյանն է: Այն «Արմմոնո» փառատոնի նախագիծն է:

Հայկական պատվիրակության կազմում է եղել «Արմմոնո» միջազգային թատերական փառատոնի տնօրեն Մարիաննա Միսիթարյանը:

«Նաստասիայի դերում իշխան Լեւ Նիկոլաեւիչ Միշկին» մոնոներկայացումը Արմեն Բուչկյանի մատուցմամբ, արժա-



նացել է փորձագետների, հանդիսատեսի բարձր գնահատականին և փառատոնի

գլխավոր մրցանակներից մեկին՝ «Հանդիսատեսի համակրանք»-ին:

● Հոկտեմբերի 12-ին Գ. Սուևոկլյանի անվան ազգային ակադեմիական թատրոնում տեղի կունենա «Հարսնացու հյուսիսից» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



Էջը՝ ՈՂՋԱ ՊՈՂՈՍՅԱՆԻ

**ՏՆՏԵՍԱԿԱՆ**

**ՀԱՐՑ. Որո՞նք են հողամասերի հիփոթեքի առանձնահատկությունները:**

*Կարեն Մինասյան (36 տարեկան)*



**ՊԱՏԱՍԽԱՆ.** Զաղաքացիների կամ իրավաբանական անձանց սեփականության հողամասերը կարող են հանդիսանալ հիփոթեքի առարկա: Հողամասի հիփոթեքի դեպքում գրավի իրավունքը տարածվում է նաև այդ հողամասում գտնվող կամ կառուցվող՝ գրավատուի շենքերի եւ շինությունների վրա: Հողամասի նկատմամբ ընդհանուր սեփականության դեպքում հիփոթեք կարող է սահմանվել քաղաքացուն կամ իրավաբանական անձին պատկանող այն հողամասի նկատմամբ, որը բնեղենով առանձնացված է ընդհանուր սեփականության ներքո գտնվող հողամասից՝ որպես առանձին գույք, եւ դրա նկատմամբ իրավունքները գրանցված են գույքի նկատմամբ իրավունքների պետական գրանցման մասին օրենքով սահմանված կարգով, բացառությամբ բազմաբնակարան կամ ստորաբաժանված շենքի կառուցման համար սեփականության իրավունքով պատկանող հողամասերի:

**ՀՀ պետական եկամուտների կոմիտե**

**«ԺՈՂՈՎՈՒՐԳ».** Պետությանը եւ համայնքներին սեփականության իրավունքով պատկանող հողամասերը չեն կարող հիփոթեքի առարկա լինել: Հողամասերի հիփոթեքի հետ կապված իրավաբանաբանությունները կարգավորվում են Հայաստանի Հանրապետության քաղաքացիական օրենսգրքով:

**ՍՈՑԻԱԼԱԿԱՆ**

**ՀԱՐՑ. Քանի՞ ազգանվան ընտրության իրավունք ունեն ամուսնացած անձինք:**

*Լատրա Նազարյան (24 տարեկան)*



**ՊԱՏԱՍԽԱՆ.** Ամուսնական ամուսինները, ըստ իրենց ցանկության, կարող են ամուսիններից մեկի ազգանունն ընտրել որպես ընդհանուր ազգանուն կամ պահպանել մինչամուսնական ազգանունը: Ամուսինների ընդհանուր ազգանունը կարող է լինել ամուսիններից մեկի ազգանունը կամ այնպիսի ազգանուն, որը ներառում է ամուսինների ազգանունները միաժամանակ: Ընդհանուր ազգանունը չի կարող լինել երկու ազգանունից ավելի: Ամուսիններից մեկի ազգանվան փոփոխությունը մյուս ամուսնու ազգանվան փոփոխություն չի առաջացնում:

**Քաղաքացիական կացության ակտերի գրանցման գործակալություն**

**«ԺՈՂՈՎՈՒՐԳ».** Ամուսնալուծվելիս ամուսիններն իրավունք ունեն պահպանելու ընդհանուր ազգանունը կամ վերականգնելու իրենց մինչամուսնական ազգանունը:

**ԼՈՒՐ ԿԱԴՐ**

*Լուսանկարն արվել է Ստեփանակերտում*



Ստեփանակերտի հուշահամալիրում բացվել է ջութակահար Բորիս Բաբայանի բրոնզաձուլ արձանը: Անվանի ջութակահարի արձանի տեղադրման վայրը պատահական չի ընտրվել, արցախցիները Բորիս Բաբայանին իր ջութակի հետ սովոր էին տեսնել հենց Ստեփանակերտի հուշահամալիրում:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել

**«Հայմամուլ» ՓԲԸ**  
հեռ. 45-82-00, 45-19-11

**«Հայփոստ» ՊՓԲԸ**  
հեռ. 51-45-46, 51-45-47

**«Բլից-Մեդիա» ՍՊԸ**  
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
 0023, Արշակունյաց 2, 5-րդ հարկ, 518ս.



**«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.**  
**«Շարունակությունը կարող էք կարդալ «Ժողովուրդ» օրաթերթի այսօրվա համարում»:**

Լրատվական գործունեություն իրականացնող՝  
 «Ժողովուրդ թերթի խմբագրություն» ՍՊԸ  
 Հասցեն՝ ք. Երեւան, Աբովյան 22՝/3, հեռ.՝ 010 54-64-23  
 Պետական գրանցման վկայականի համարը՝ 03Ա089086  
 տրված է 24.11.2010  
 Ստորագրված է տպագրության 11.10.2022

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: